



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Pati est Hominis Inevitabile Fatum**

**Neissen, Johann Adolph**

**Coloniæ Agrippinæ, 1721**

Martyres ac Beati generatim.

[urn:nbn:de:hbz:466:1-49134](https://nbn-resolving.org/urn:nbn:de:hbz:466:1-49134)

si qui porrò ( quod uti magis notum, ita minus duximus necessarium ) justi crucigeri viderentur educendi : præcurreret imprimis major inter natos mulierum, Joannes Baptista in vinculis ; & è squalido carcere decollatum suum caput in disco proferret. Exhiberetur obliquè Herodes principatu detrusus, in exilium relegatus perpetuum. Ipsa saltatrix, filia Herodiadis, trajiciens congelatum flumen, disruptâ glacie, immergi notaretur corpore toto, solo exserto capite ; quod, ut omnes intelligerent, quâ de causâ tam miserè periret, glaciali acumine recisum à trunco, saltitaret suprâ glaciem. Ipsa denique Herodias, insano cruciatu necari filiamque ad tartara subsequi spectanda præberetur. Procederet Neo-Sponsus D. Josephus, ob benedictum sponsæ suæ fructum, anxiam mente perplexus ; taciteq; molestâ impetitus Zelotypiâ : dein ab Herodis furore in Ægyptum fugiens ; denique dolenter quærens amissum Jerosolymis, Jesum. Ebulliret parvulorum Innocentium sanguis circumstreperet saxa

*S. Joannes  
Baptista.**D. Josephus.**Martyres*

*Beati omnes.*

*Via dolorosa.*

ea Stephani grando. Ignosceret Laurentii crates. Apostolorum cruenta cædes recrudescerent, quot triumphant inter beatos Martyrum millia; tot nova restarent exhibenda crucigerorum agmina: quotque Athletas cælum coronat, & tot producendos nobis crucigeros, sine fine suppeditaret. Astra transcendere; ingredi cælum; circumspice sanctos, quemcunque designaris inspiciam vitam illius, ac fata observabo, moxque tibi toleratam ab eodem aduersitatem, crucemque insignem demonstravero.

Est verò via quædam Jerosolymis; quam, quia à Palatio Pilati, usque ad montem Calvariæ, Salvator noster dominus Jesus, ad mortem condemnatus, flagris jam conscissus, totus Sanguinolentus, spinis dedecoratus, bajulans crucem, ægrè admodum confecit; appellant hodie eam viam dolorosam: hæc vel ipsa nominis sui exigentiâ, ne à nobis prætereatur, postulare videtur: adibimus proinde hanc dolorosam viam, & repertas in eâ insignes cruces, saltem obiter protrahemus in medium.

CRU.